



Стална делегација Парламентарне скупштине
БиХ у Парламентарној скупштини Организације
за европску безбједност и сарадњу

Stalna delegacija Parlamentarne skupštine
BiH u Parlamentarnoj skupštini Organizacije
za evropsku sigurnost i saradnju /
Stalno izaslanstvo Parlamentarne skupštine
BiH u Parlamentarnoj skupštini Organizacije
za evropsku sigurnost i suradnju

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Organization for Security and Co-operation in Europe

Broj: 01,02,03,03/11-05-1-1308/19
Sarajevo, 10. 9. 2019.

KOLEGIJU PREDSTAVNIČKOG DOMA PSBiH KOLEGIJU DOMA NARODA PSBiH

**IZVJEŠTAJ SA OSCE-ove MEĐUNARODNE KONFERENCIJE „Inicijativa Pojas i put -
pokretač Ciljeva održivog razvoja“, Andermat, 5 – 7. 9. 2019.**

U Andermatu je od 5. do 7. 9. 2019. održana međunarodna konferencija Grupe za podršku Putu svile Parlamentarne skupštine OSCE-a u čijem radu su učestvovalе Marina Pendeš, delegatkinja u Domu naroda PSBiH, i Dženana Leper, sekretarka Delegacije.

Na inicijativu Azerbejdžana osnovana je OSCE-ova Grupa za podršku Putu svile. U početku se sastojala od 17 zemalja, a sada Grupa ima 22 države članice.

Delegatkinja u Domu naroda Parlamentarne skupštine BiH Marina Pendeš učestvovala je na 3. međunarodnoj konferenciji Grupe za podršku Putu svile Parlamentarne skupštine OSCE-a. Konferencija, čija je tema „Inicijativa Pojas i put - pokretač Ciljeva održivog razvoja“, organizira se pod pokroviteljstvom Delegacije Federalne skupštine Švicarske i Grupe za podršku Putu svile Parlamentarne skupštine OSCE-a.

Rad parlamentaraca u Švicarskoj bio je podijeljen u četiri radionice koje su posvećene stvaranju održive infrastrukture, ublažavanju rizika poslovanja, promociji transparentnosti i dobrog upravljanja, kao i daljnjim perspektivama saradnje između država članica.

Konferencija je odlična prilika za održavanje multilateralnog dijaloga o ekonomskoj, političkoj i humanitarnoj saradnji između država članica Grupe za podršku Putu svile Parlamentarne skupštine OSCE-a.

Tokom četiri panela učesnici Konferencije razgovarali su o unapređenju međusobno korisne ekonomske saradnje i trgovinskih veza, o pojednostavljivanju transportnih veza i logistike, kao i o izgradnji povjerenja, unapređenju dijaloga i razmjeni događaja iz oblasti kulture.

Delegatkinja Pendeš aktivno je učestvovala u radu treće radionice, na kojoj se raspravljalo o izgradnji održive infrastrukture, promociji transparentnosti i dobrom upravljanju, kao i o daljnjim perspektivama saradnje između država članica.

Posebna pažnja tokom konferencije posvećena je i pitanju borbe protiv korupcije.

Grupa za podršku Putu svile PSOSCE-a uspostavljena je 8. jula 2017. godine na godišnjem zasjedanju PSOSCE-a u Minsku.

Trodnevna konferencija okončana je plenarnim zasjedanjem na kojem je usvojena Deklaracija iz Andermata u kojoj se ističe potreba za jačanjem dijaloga o ekonomskoj, političkoj i humanitarnoj saradnji između država članica Grupe za podršku Putu svile Parlamentarne skupštine OSCE-a.

**Izveštaj odobrila:
Marina Pendeš
Delegatkinja u Domu naroda PSBiH**

Izveštaj pripremila:
Sekretarka Delegacije PSBiH u PSOSCE-a
Dženana Leper

Dostaviti:

- naslovu
- Kolegiju Sekretarijata PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za međunarodne odnose i protokol
- Sektoru za odnose s javnošću